



Sofie Geisler
Inatsisartunut Ilaasortaq
Inuit Ataqtigiit

/-Maani

**EUMi aningaasanut missingersuusiassaq Kalaallit Nunaannut
sunniuteqarsinnaanera pillugu § 37 naapertorlugu apeqqutip 304-ip
akineqarnera**

Ulloq: 07.12.2018
Sagsnr. 2018 - 26013
Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: nap@nanoq.gl
www.naalakkersuisut.gl

Inatsisartut suleriaasianni § 37, imm. 1 naapertorlugu EUMi aningaasanut missingersuusiassaq piffissami 2021 – 2027 Kalaallit Nunaanni aningaasaqarnermi qanoq sunniuteqarsinnaanera pillugu Naalakkersuisunut apeqquteqarsimavutit. Apeqqutip uannut akineqartussannagortinneqarsimapput.

- 1. 21. November 2018 akunnermi apeqquteqarfissami apeqqarissaarfigineqarnermini Nunanut Allannut Naalakkersuisoq oqarpoq EU-miit Kalaallit Nunaannut aningaasaliissutini tapiissuteqartarnermillu aaqqissuussani nunatta pissarsiarisartagaasa ukiuni 2021-2027 katillugu 164 millioner kroninik sipaarfigineqarnissaa aningaasat nalikilliarthonerannik patsiseqartoq. Tamanna ilumoorpa?**

Akissut:

EU-p nunallu ilaasortaasut akunnermini isumaqatigiinniarnert suli naammassinngitsoq maluginiagassaavoq. EU-mut ukiuni missingersuusiortifiusuni aggersuni 2021-2027 missingersuutitut isumaqatigiinniarnert ajornakusuungaatsiartut ingerlanneqarput – tamanna aamma Kalaallit Nunaannut aalajangikkap aammalu Nunat Imarpiup Illuaniittut Nunasiaataasimasunullu aaqqissuussaq (OLT-mik aaqqissuussaq)-mut atuuppoq, EU-mimi ilaasortat soqutigisaat aporaassinnaammata. Pingaartumik Frankrig illuatungiliuttunik soqutigisaqarpoq, taakku nunat imarpissuup illuaniittut nunasiaataasimasullu imminnut atasuusut aningaasanik pissarsinerunissaat soqutigilluarmassuk – aningaasat tigusiffigineqartussat tassaassallutik Europa-Kommissionip Kalaallit Nunaannut immikkoortitassatut siunnersuutigisai. Taamaattumik Kalaallit Nunaata aningaasat pissarsiassa qanoq annertutigissanersut inernilissallugu suli siusippallaarpoq. Tamatuma iluatsinnginnissaa anguniarlugu Kalaallit Nunaat Danmarkimik qanittumik suleqateqarpoq. Massakkumuugallartoq Europa-Kommissionimut ataatsimut OLT-mut/Kalaallit Nunaannut aalajangiussamut katillugit 500 mio. euro immikkoortissimavai. Europa-Kommissionillu Kalaallit Nunaannut

aalajangiussamut OLT-mut aningaasaliissutigineqartut 45% -iinik pissarsisarnerata attatiinnarnissaa siunnersuutigineqarpoq.

Europa-Kommissionip piffissami 2021-mit 2027-mut Kalaallit Nunaannut illuartitassatut siunnersuutigisai 2021-mi 225 mio.euro-pput, piffissami 2014mit 2020-mut EUR 217,8 mio.euro-sussaallutik. Taamaalilluni aningaasat annikitsumik qaffariaateqarput, maluginiarneqassaarli aningaasat annertussusaat akit nikerarnerannut malinnaatinneqanngimmat. Ukiuni aggersuni akit nikerarnerat aningaasallu nalikilliarthonerat naatsorsuutigineqartoq malikkaanni aningaasat annertussusaat nalikilliarthusaapput, ukiunilu pineqartuni katilluigt naatsorsorneqarsimavoq. Taamaattumik oqartoqavissinnaanngilaq Kalaallit Nunaat euro-nik piviusunik annaasaqartoq; kisianni naatsorsorneqarsinnaavoq, Kalaallit Nunaat aningaasat annertussusaat akit nikerarnerinut malitsinneqarsimasuuppat 164 mio. kr.-nik sinnilaarlugu annaasaqaateqartussaassalluni piffissamut aggersumi pineqartumut. Akit nikerarnerannut iluarsiisimannginnermut pissutaasut pisortatigoortumik oqaatigineqanngillat. Eqqoriarneqarsinnaavorli soorlu; Brexit, sillimaniarnermut aallussineruneq aammalu qimaasunut ajornartorsiutit pissutaasunut ilaalluarsinnaasut, pissutaasinnaasummi taakku pingasut siunissami EU-p missingersuutaannik killilersuisuusussaammata.

Illuatungaatiullu ilassutigineqarsinnaavoq 2021-mit 2027-mut isumaqatigiissutissatut siunnersuummi nutaartaasutut Kalaallit Nunaat aningaasaliissutinut assigiinngitsunut marluusunut sumiiffiit akimorlugit

suleqatigiinnermut aammalu naatsorsuutiginnisamik pisoqarneranni/aningaasat aalajangersimasunut

immikkoortinneqanngitsunik 15 mio. EUR-nik aamma 13 mio. EUR-nik qinnuteqaateqarsinnaalissimmat. Iluatsilluartumik aningaasaliissutinut taakkununga allanullu qinnuteqaasioraanni isumaqatigiissutissatut siunnersuummi nutaami aningaasat naleerukkiarthonerani annaasaqaataasut ilaatigut matussusersinnaassavai, siunnersuut akuerineqarpat.

2. Annaasaqaatissat 164 millioner kronit matussutigisinnaasaannik EU-mi periarfissat atorlugit aningaasanik pissarsinissaq siunertaralugu qinnuteqarnissamut Naalakkersuisut qanoq iliuuseqareerpat?

Akissut:

Aallaqqaammut maanna isumaqatigiinniarnert ingerlanerillu pillugit Naalakkersuisunit sunniinarneq ukkatarineqarpoq. Uani Danmarki Kalaallit Nunaallu qanimut suleqatigiippat isumaqatigiinniarnert Danmarkip EU-mi naalagaaffittut ilaasortaasutut peqataaffigisaai pillugit.

Ilanngunneqassaaq 2021-mit 2027-mut EU-mit aningaasanik pissarsiniarluni suli qinnuteqaateqartoqarsinnaanngimmat. Eqqaaneqareersutut EU-p ukiuni tulliuttuni arlalinni aningaasatigut sinaakktassaritineqartussat EU-mi nunat ilaasortaasut akornanni suli isumaqatigiinniutigineqarput, taamaattumillu suli akuersissutigineqaratillu inissinneqanngillat. Tamatuma malitsigisaanik piffissami tassani EU-p aningaasaliinissamut ingerlattagai allat suli aamma inissinneqanngillat

Kalaallit Nunaata EU-mut attaveqarnerani Kalaallit Nunaannut aalajangersagaq, suleqatigiinnissamut isumaqatigiissut, kisimi taannaanaq aallaaviginngilaa. Aammattaaq aalisarneq pillugu isumaqatigiissuteqarput, taannalu 2019-2020-mi isumaqatigiinniutigineqarqissaaq, 2021-mit 2027-mut immikkoortuanut siullermut atuuttusamik ilimagineqarsinnaalluni. EU-mik isumaqatigiissut taanna aallaavigalugu Kalaallit Nunaat aamma aningaasanik pissarsisarpoq, tassani Kalaallit Nunaata pisassanik EU-mut tunniussinermigut pissarsiarisartagaanik. Isumaqatigiinniarnissanut aggersunut immikkuualuttortanut iserfigisaqanngikkaluarluni, oqaatigineqarsinnaavoq aalisagaqatigiinni assigiinngitsuni nunarsuarmi akit ataatsimut isigalugit kingullermik isumaqatigiinniareernerup naammassereernerata kingorna qaffakkiartorsimanerat Kalaallit Nunaannut iluaqutaasinnaavoq. Taamaattumik tassuunatigut periarfissasinnaavoq amerlanerusunik isertitaqalernerusinnaaneq.

3. Naalakkersuisut ilisimatitsissutigisinnaavaat Naalakkersuisoqarfiit allat qanoq akuutinneqarsimanersut tusarniaaffigineqarsimanersulluunniit EU-mi periarfissat atorlugit aningaasanik pissarsiniarnissaq siunertaralugu?

Akissut:

Apeqqt 2-mi akissutigineqartoq innersuussutigineqarpoq:

“Ilanngunneqassaaq 2021-mit 2027-mut EU-mit aningaasanik pissarsiniarluni suli qinnuteqaateqartoqarsinnaanngimmat. Eqqaaneqareersutut EU-p ukiuni tulliuttuni arlalinni aningaasatigut sinaakktassaritineqartussat EU-mi nunat ilaasortaasut akornanni suli isumaqatigiinniutigineqarput, taamaattumillu suli akuersissutigineqaratillu inissinneqanngillat. Malitsigisaanillu piffissami tassani

EU-p aningaasaliinissamut ingerlattagai allat suli aamma inissinneqaratik.”

**4. Ukiuni 2021-2027 164 millioner kronit nunatsinnit
annaaneqarnissaat qanoq malitseqassava?**

Akissut:

Aningaasaliissutissat suli akuersissutigineqanngitsut Naalackersuisut isumaliuutigisaqattaarfigerusunngilagut. Kingunissat piffissami tassani politikikkut tulleriiarinissat isumaqatigiinniarnissallu apeqqutaassapput, tassanilu isertitat aningaasartuutillu tamaasa eqqarsaatigineqartariaqarlutik. Tamakku pissutissaqarluartumik maannakkuugallartoq eqqoqqissaartumik eqqoriaruminaassinnaapput.

Inussiarnersumik inuulluaqqusillunga



Ane Lone Bagger